



599-908-918
599-233-390

E-mail: gazetirustavi@gmail.com,
gazetirustavi@mail.ru



გაზეთი
გამოცემის
1948 წლიდან

რუსთავი

29

ივლისი 2024 წ.

№5
(109757)

ფასი 50 თეთრი



დამატებით 20 მილიონი
ბიუჯეტური და 70
ახალი ავტობუსი
რუსთაველებისთვის

83.-2

ხანძრის ქუჩაზე
სარეაბილიტაციო
სამუშაოები გამწვანების
აქტით დასრულდა



83.-2

ქველი რუსთავის ავარიული
საცხოვრებელი კორპუსების
სრული გამაგრება-
რეაბილიტაცია აქტიურად
მიმდინარეობს

83.-3



პროფესიული განათლება
სახელმწიფოსთვის ერთ-ერთი მთავარი
პრიორიტეტია

83.-2



83.-4

რუსთავის პარკში
ოქროს და
ვერცხლის
მედალოსების
დაჯილდოების
საზეიმო ცერემონია
განიმართა



83.-3

რუსთავში
„ოქსიგენ
ფესტივალის“
მთავარი
მუსიკალური
დღეები
დასრულდა

რუსთავი: გასული დღეების ქრონიკა

ნინო ლაცაბიძე: განსაკუთრებული მადლობა საქართველოს პრემიერ მინისტრს ირაკლი კობახიძეს იმ თანადგომისთვის, რასაც ჩვენი ქალაქის მიმართ იჩინს



„დიდი მადლობა მინდა ვუთხრა ჩვენი ქალაქის წარმომადგენლებს საქართველოს პარლამენტში ალექსანდრე დალაქიშვილს და ირაკლი შატაკიშვილს, იმ ძალისხმევით, რაც ათასობით ჩვენი თანამოქალაქის პრობლემის გადაწყვეტაში მიუძღვით. რუსთავიდან თბილისის მიმართულებით, რუსთაველები კომფორტულად იმგზავრებენ - ეს და ყველა ის ახალი შესაძლებლობა, რაც რუსთაველებს გაგვიჩნდა ბოლო წლებში, ამ ადამიანების თანადგომის, მშობლიური ქალაქის მიმართ ერთგულების და ჩვენი გუნდის

ერთიანობის შედეგია. მადლობა ასევე საქართველოს პრემიერ-მინისტრს ბატონ ირაკლი კობახიძეს, რომლის გადაწყვეტილებით, რუსთავის ბიუჯეტი 20 მილიონი ლარით იზრდება და აღნიშნული თანხით რუსთავის მერიამ 70 ერთეული სატრანსპორტო საშუალების შესაძენად ტენდერი გამოაცხადა. დამატებით 70 ახალი ავტობუსის შექმნით რუსთაველებს ათწლეულების განმავლობაში არსებული პრობლემა მოგვარდება.“ ტენდერის დასრულების შემდეგ, შემოდგომიდან, რუსთავი-თბილისის მიმართულებით, თანამედროვე, ეკოლოგიურად

სუფთა, შუბ პირებზე სრულად ადაპტირებული მუნიციპალური ტრანსპორტი, რუსთაველებს დედაქალაქში რამდენიმე მარშრუტზე გადაყვანს და ბასლაინზე იმოძრაებს, რაც მგზავრების შეუფერხებლად გადაყვანის კიდევ ერთი გარანტი იქნება. მუნიციპალური ტრანსპორტის რეფორმა, რომელიც რუსთავის მერიამ 2022 წელს დაიწყო, წარმატებით გრძელდება და მოსახლეობისთვის მიცემული კიდევ ერთი პირობა, დედაქალაქის მიმართულებით კომფორტული მგზავრობის უზრუნველყოფა შესრულებულია.

ხანძრის ქუჩაზე სარეაბილიტაციო სამუშაოები გამწვანების აქციით დასრულდა

ნინო ლაცაბიძე: - ხანძრის ქუჩაზე ამიერიდან მუნიციპალური ტრანსპორტიც შეუფერხებლად იმოძრაებს. ეს მოსახლეობის მოთხოვნა იყო და მიხარია, რომ გუნდის მხრიდან დადებული კიდევ ერთი პირობა შევასრულეთ. რუსთავში, გრიგოლ ხანძთელის სახელობის ქუჩაზე, ახალი საგზაო ინფრასტრუქტურა მოეწყო. 11 ათას კვადრატულ მეტრ ტერიტორიაზე, სადაც სავალი მოძრაობის გზა და შესაბამისი ინფრასტრუქტურა დღემდე არ არსებობდა, ასფალტის საფარი

დაიგო. მოწყობილია ტროტუარები, ბორდიურები და გარე განათება, განახლებულია სანიტარული ქსელიც. პროექტს მნიშვნელოვანი სატრანსპორტო დატვირთვა აქვს. ხანძრის ქუჩის მოსახლეობა მუნიციპალური ტრანსპორტით სრულყოფილად ისარგებლებს. ახალი გზა რუსთავის მერმა ნინო ლაცაბიძემ, რუსთავის მაჟორიტარმა დეპუტატმა საქართველოს პარლამენტში ირაკლი შატაკიშვილმა და საკრებულოს ფრაქცია „ქარ-

თული ოცნების» წევრებმა გახსნეს. მოგვიანებით, ხანძრის ქუჩაზე გამწვანების აქციაც მოეწყო და ახლადრეაბილიტირებულ ქუჩაზე სხვადასხვა სახეობის 100-ზე მეტი ნერგი დაირგო. გრიგოლ ხანძთელის ქუჩის რეაბილიტაციის პროექტი ცენტრალური და ადგილობრივი ბიუჯეტიდან 1 477 405 ლარით დაფინანსდა.



პროფესიული განათლება სახელმწიფო სისტემის ერთ-ერთი მთავარი პრიორიტეტია

სწორედ ამიტომ, სახელმწიფო პოლიტიკის ადგილობრივ დონეზე უფრო მეტად გაძლიერება საჭირო და ჩვენ დღეს სერთიფიკატი გადამავით ადამიანებს, რომელთა პროფესიული განათლება და კვალიფიკაციის ამაღლება ქალაქისთვის პრიორიტეტული და მნიშვნელოვანია. რუსთავის მერიის ახალი სოციალური პროგრამა- „პროფესიული განათლება დასაქმების ხელშეწყობისთვის“, რომლის დაფინანსებაც მუნიციპალიტეტმა ქალაქის მერის ნინო ლაცაბიძის ინიციატივით მიმდინარე წელს დაიწყო, დეფიციტური პროფესიების წახალისებას ისახავს მიზნად. პროგრამა კოლეჯ „მოდუსთან“ გაფორმებული მემორანდუმის ფარგლებში ხორციელდება. რუსთავის მერმა ნინო ლაცაბიძემ, საქართველოს პარლამენტში რუსთავის მაჟორიტარმა დეპუტატმა ირაკლი შატაკიშვილმა და კოლეჯ „მოდუსის“ დირექტორმა ნინო ქავთარაძემ პროგრამის ფარგლებში გადამზადებულ 15 რუსთაველს გადასცეს სერთიფიკატი, რომელიც მათ ლიფტის ტექნიკოსის სერთიფიცირებული სპეციალისტის კვალიფიკაციას აძლევს.



შეხვედრას რუსთავის მერის მოადგილე ოთარ ტატალაშვილი და ქალაქის საკრებულოს ფრაქცია „ქართული ოცნების“ წევრები ესწრებოდნენ. თხუთმეტივე სერთიფიცირებული სპეციალისტი, პროფესიის შესაბამის პოზიციაზე იმუშავებს. რუსთავში ძველი ლიფტების ახლით ჩანაცვლების და უფასო ლიფტების პროგრამა უკვე მესამე წელია, რაც მიმდინარეობს. სერვისის სრულყოფილად განხორციელების მიზნით, მუნიციპალიტეტმა განათლების სამინისტროს დახმარებით, პროფესიულ კოლეჯ „მოდუსში“ ახალი სასწავლო მოდულის ამუშავება უზრუნველყო. ამავე პროგრამის ფარგლებში რუსთავის მერია მებაღეობის და საბავშვო ბაღის აღმზრდელის პროფესიის შესწავლის მსურველ რუსთაველებსაც აფინანსებს.

რუსთავის ცენტრალურ პარკში ოქროს და ვერცხლის მედალოსნების დაჯილდოების საზეიმო სერემონია გაიმართა



2023-2024 სასწავლო წლის სკოლის წარჩინებულ კურსდამთავრებულებს რუსთავის მერმა ნინო ლაცაბიძემ სპეციალური სიგელები გადასცა. ოქროს მედალოსნების დაჯილდოება, რუსთავში, ნინო ლაცაბიძის ინიციატივით, უკვე მესამედ გაიმართა. წელს, ოქროს მედალოსნებს ვერცხლის მედლის მფლობელი ახალგაზრდებიც შეუერთდნენ და 185 წარჩინებულ კურსდამთავრებულს მერიისგან ფულადი ჯილდო პირად საბანკო ანგარიშზე ჩაერიცხა. მერიის ფულადი ჯილდოს გარდა, ახალგაზრდებმა სხვა საჩუქრებიც მიიღეს. ღონისძიების სპონსორების თანადგომით, ოქროს და ვერცხლის მედალოსნებს, ლოტოტრონით გათამაშებული პრიზები გადასცეს. რუსთაველი მედალოსნების დაჯილდოების ცერემონიას პარლამენტარი ბაია კვიციანი, ქალაქის საკრებულოს ფრაქცია „ქართული ოცნების“ წევრები, რუსთავის საგანმანათლებლო რესურსცენტრის ხელმძღვანელი თამარ ხეჩიკაშვილი, ქალაქის საჯარო და კერძო სკოლების დირექტორები და რუსთაველი ბიზნესმენები დაესწრნენ.



რუსთავის მერი მუნიციპალური სერვისების ცენტრში, ევროსაბჭოს ადგილობრივ და რეგიონულ ხელისუფლებათა კონგრესის ყოფილ განმარტებელ მდივან ანდრეას კიფერს უხვდა

ნინო ლაცაბიძემ სტუმარს მუნიციპალური სერვისების გაუმჯობესების მიზნით განხორციელებული და მიმდინარე რეფორმები, ქალაქის განვითარების ახალი ხედვა და გეგმები გააცნო. შეხვედრას რუსთავის მერის მოადგილე კახა გურული და საკრებულოს ფრაქცია „ქართული ოცნების“ წევრები ესწრებოდნენ. მოგვიანებით ანდრეას კიფერი ნინო ლაცაბიძესთან ერთად, მედიათეკაში, პროექტის „თაობა

რუსთაველის“ ფარგლებში, ახალგაზრდებს შეხვდა. ევროსაბჭოს კონგრესის ყოფილმა განმარტებელმა მდივანმა ანდრეას კიფერმა შეხვედრისას, თვითმმართველობის მნიშვნელობაზე, ევროპული თვითმმართველობების მუშაობის სპეციფიკაზე და დემოკრატიის განვითარებაში ადგილობრივი თვითმმართველობების როლზე ისაუბრა და ახალგაზრდების კითხვებს უპასუხა.

ქველი რუსთავის ავარიული სასკოვრებელი კორპუსების სრული გამაგრება-რეაბილიტაცია აქტიურად მიმდინარეობს

მიმდინარე წელს სამუშაოები 12 მისამართზე უკვე დასრულდა და 4-ში აქტიურად მიმდინარეობს. 2024 წელს რუსთავში, ჯამში 16 კორპუსის გამაგრება-რეაბილიტაცია იყო გათვალისწინებული. რუსთავის მერი ნინო ლაცაბიძე, საქართველოს პარლამენტში რუსთავის მაჟორიტარი დეპუტატი ირაკლი შატაკიშვილი, მერის მოადგილე ბესიკ ტოგონიძე და საკრებულოს ფრაქცია „ქართული ოცნების“ წევრები ავარიული კორპუსების გამაგრება-რეაბილიტაციის პროექტების მიმდინარეობას სამუშაო ფორმატში ადგილზე გაეცნენ. დღეისათვის ქაშაკაშვილის №8 და №10-ში, დონეცკელი მეტალურგების გასასვლელის №18-

ში საძირკვლის გამაგრება დასრულდა და ფასადების სამუშაოები მიმდინარეობს, აქტიურად მიმდინარეობს კოსტავას გამზირის №1 კორპუსის საძირკვლის გამაგრებაც. რუსთაველის ქუჩის რეაბილიტაციის მასშტაბური პროექტის მეორე ეტაპის ფარგლებში რუსთავში 11 კორპუსის გამაგრება-რეაბილიტაცია განხორციელდა, დასრულებულია ვაჟა-ფშაველას მე-2-ე გასასვლელის №4-ის გამაგრება-რეაბილიტაცია. 2024 წელს რუსთავში ავარიული კორპუსების გამაგრება-რეაბილიტაციისთვის ცენტრალური და ადგილობრივი ბიუჯეტიდან ჯამში 8 070 856 ლარი იყო გათვალისწინებული.



რუსთავში „ოქსიგენ ფესტივლის“ მთავარი მუსიკალური დღეები დასრულდა

რუსთავის პარკში ფესტივალის სივრცე დანიურმა ჯგუფმა „Outlandish“ და „KORDZ“-მა დაიკავეს. კონცერტის დაწყებამდე კი მუსიკალური ჯგუფის წევრებს, რუსთავის მერი ნინო ლაცაბიძე, რუსთავის მაჟორიტარი დეპუტატი ირაკლი შატაკიშვილი, პარლამენტარი ალექსანდრე დალაქიშვილი და ოქსიგენის დამფუძნებელი, მუსიკოსი ლაშა ნოზაძე შეხვდნენ და მედიის წარმომადგენლებს კიდევ ერთხელ გააცნეს ფესტივალის შინაარსი. იმ დღეს, ოქსიგენ ფესტივალის და „შერეკილების“ კონცერტით უმასპინძლა სტუმრებს, 7 ივლისს, კი ფესტივალი „რეგიონმა“ და „MURO“ დასრულდა. საფესტივალო კარი სტუმრებისთვის 16:00 საათიდან გაიხსნა. ტერიტორიაზე მოწყობილი იყო კვების და ლუდის სივრცეები, ადგილობრივი მენარმეების ნამუშევრების გამოფენა-გაყიდვა.



„ოქსიგენი“ რუსთავში პირველად 2022 წელს გაიმართა. წლებგანდელი ფესტივალი განსაკუთრებული მასშტაბურობით იყო გამორჩეული და უკვე თვეზე მეტია გრძელდება. საფესტივალო სივრცე რუსთავის პარკში, ამფითეატრისა და რუსთავის ციხის მიმდებარე ტერიტორიაზე იყო მოწყობილი და სხვადასხვა მუსიკალურ ჯგუფებსა და სტუმრებს 1 ივნისიდან მასპინძლობდა. ივნისის ყოველ შაბათ-კვირას, რუსთავის პარკში არსებულ ტბასთან ფიშ ფესტი მიმდინარეობდა. საფესტივალო სივრცე განსაკუთრებით აქტიურად იყო დატვირთული ევროპის ჩემპიონატზე, საქართველოს ნაკრების მატჩის დღეებში, როცა რუსთაველი გულშემატიკვერები ფესტივალის ტერიტორიაზე მოწყობილ დიდ ეკრანთან იკრიბებოდნენ და ერთად ქომაგობდნენ ეროვნულ ნაკრებს. ოქსიგენ ფესტივალის რუსთავის მერიის და „ოქსიგენის“ ორგანიზებით იმართება.

საგავერსო ბავშვის დაეხმარება ჯგუფის ყველა აღსაზრდელმა რუსთავის მერიისგან სარეზერვუარო გამოსაუბრები ალბომი მიიღო



რუსთაველი პატარებისთვის გამოსაუბრები ალბომების გადაცემის ტრადიციას საფუძველი, რუსთავის მერიის ნინო ლაცაბიძის ინიციატივით გასულ წელს ჩაეყარა. წელს მერიის საჩუქარი ბავშვების გაერთიანების დამამთავრებელი ჯგუფების 1620-მა აღსაზრდელმა მიიღო.

28 რაიონი - ეს მაქსიმუმი არ არის!

საქართველო-უკრაინის სოციალურ ურთიერთობათა ინსტიტუტი სოფლად ახალგაზრდების დასაბრუნებლად ზრუნავს

ქართული სოფლის დღევანდელი ყოფის შესახებ ბევრი იწერება და ბევრიც ითქმის. გააჩნია დამწერსაც და მთქმელსაც. საკუთარი თვალით დანახული დედულ-მამულის ხილვა მაინც სულ სხვაა. ამჯერად კახეთი - გურჯაანი, თელავი და ლაგოდეხი. არაჩვეულებრივ გზებს, ახალ-ახალ შენობებს, დაგვილ დასუფთავებულ გარემოს დაუმშვენებია სამივე ქალაქი და სამივე რეგიონი. აშკარად იგრძნობა, რაიონების მესვეურთა გონიერება და ხელიც. და ეს წინსვლა ძირითადად ადგილობრივი ახალგაზრდა კადრების დამსახურებაა და არა მხოლოდ ნომენკლატურულ თანამდებობებზე მყოფი სპეციალისტებისა, არამედ იმათი დამსახურებაც, ვინც სკოლის დამთავრების შემდეგ საშუალო, საგანმანათლებლო ტიპის სასწავლებლებში განაგრძეს სწავლა და სერთიფიკატილებულმა მუშაობა დაიწყო ადგილობრივ განვითარებად დარგებში. მათ უმეტესობას, როგორც ჩვენთან საუბარში გაირკვა, ჩამოყალიბებული მოსაზრება აქვს უმაღლესი განათლების მიღებასა და დიპლომზე.

ცხოვრებამ გვაჩვენა, რომ დიპლომირებულ ახალგაზრდებს წლობით უწევს სამსახურის ძიება. ბევრდებთან ეს პროცესი და იძულებული ხდება, დასაქმდნენ არაპროფილურ სამუშაოზე, ან საზღვარგარეთ წავიდნენ. და ეს მაშინ, როდესაც 5 წელი ისწავლეს, რეპეტიტორებთან ფული დახარჯეს, ეგ კი არა, ზოგმა ბაკალავრიატის კურსის დასრულების შემდეგ, მაგისტრატურის კურსიც გაიარა, მაგრამ, ამაოდ. ჩვენ კი, აი, როგორც ხედავთ, უკვე

დასაქმებულნი ვართ და კარგ ხელფასაც ვიღებთ... ღიმილით გვიყვებიან რუსთავის საქართველო-უკრაინის სოციალურ ურთიერთობათა ინსტიტუტის, თელავის, ლაგოდეხის და გურჯაანის რაიონული სასწავლო ცენტრების სტუდენტები და სტუდენტად ყოფილები.



გვესაუბრება გურჯაანის სასწავლო ცენტრის ხელმძღვანელი დინა სხაზარაძე: - ჩვენს რაიონში ოც წელზე მეტია, გაიხსნა ასეთი საშუალო ტიპის სასწავლებელი ცენტრიდანული მართვით. მსურველები სამწლიან სწავლებით კომპიუტერით, დაცვა-პატრულირებით, ფარმაცევტის, გიდის, ექთნის თანაშემწის სპეციალობებზე სწავლობენ. ახალგაზრდები ძალიან დაინტერესდნენ ამ სპეციალობებით და დღემდე კეთილმოწყობილ შენობაში ვამუშავეთ ცენტრს. ამ საგანმანათლებლო პრობლემის დადებითად გადაწყვეტამ გარკვეული როლი ითამაშა სოციალური პრობლემის მეტნაკლებად მოგვარებაში. ჯერ ერთი, ახალგაზრდები დაკავდნენ სწავლითა და შრომით, ისინი რაიონსა და მშობლირი სოფლის ოჯახებს შერჩნენ,

ძალიან უხარიათ თანამომხეთა შორის ყოფნა და მუშაობა. საქმეშიც სომ დაოსტატდნენ, ბევრმა უმაღლესშიც განაგრძო სწავლა. ამ ყველაფერს ჩვენ და ჩვენი კურსდამთავრებულები რუსთავის აკადემიური ქარქტორი და ცენტრის ხელმძღვანელები იბარებენ. ლაგოდეხის ცენტრის მენეჯერი მარინე ზურიკაშვილია. ისიც ესწრება გამოცდებს, საიდანაც გამარჯვებულის ღიმილით გამოდიან მომავალი გიდები, კომპიუტერის სპეციალისტები, ექთნის თანაშემწეები, დაცვა-პატრულირების, ფარმაცოლოგიის ფაკულტეტის კურსდამთავრებულნი. მათ ხელში კოლეჯის წარმატების დამთავრების სერთიფიკატი უჭირავთ. ისინი ამ დღეებში დასაქმდებიან - ამ ფრანზას უკვე რაიონის მუნიციპალიტეტში გვეუბნებიან და იმასაც დასძენენ, რომ ასეთი ტიპის სასწავლებლების სიმრავლე შესაშურ გარემოს ქმნის ახალგაზრდა კადრების ადგილზე დასაქმებისათვის, სოფლიდან ქალაქად ან საზღვარგარეთ მიგრაციის შეჩერებისათვის.


გვესაუბრება ინსტიტუტის რექტორი ბატონი ბერი ჩხვიძე: - დიას, ჩვენმა ცდამ, გვეზრუნა სოფლად ახალგაზრდების დამაგრებაზე, აშკარად შედეგი გამოიჩინა. ასეთი საშუალო ტიპის სასწავლებლები ქვეყნის 28 რაიონში გავსენით, გეტყვით გულწრფელად, თავიდან ძირითადად დაქირავებულ შენობებში, ეს წლების წინ იყო, ახლა სიამაყით ვაცხადებ, რომ ყველა რეგიონში ჩვენივე საკუთარი შენობები შევიძინეთ ან ავიშენეთ. ყველა ცენტრი შესაფერისადაა აღჭურვილი და მზადყოფნაშია სასწავლო პროცესის წარსამართვად, ახალგაზრდებს ძალიან მოსწონთ აქ არსებული თავისუფალი ჰუმანური გარემო, პედაგოგებიც კონკურსის გზით საგანგებოდ გვყავს შერჩეული. გამოსაშვები გამოცდები მუდამ ჩვენი მეთვალყურეობით ტარდება, არის შემთხვევა, როდესაც სტუდენ-

ტი ორჯერ, სამჯერ აბარებს გამოცდას, რათა ჯეროვნად მოამზადოს საგამოცდო თემები და სრულიად მომზადებული დასაქმდეს სამუშაო ადგილზე. წარმატებებს ვუსურვებ ყველა კურსდამთავრებულს, რაიონის ცენტრსა და სოფლებში მათ ადგილებზე ვლიან.

...განათლება ევროპულად, ამერიკულად, ეს უკვე მოარული და პოპულარული თემებია ჩვენს ქვეყანაში. კარგი კი იქნება, განათლება საქართველოსათვის ქართული მიზნებით, საქართველოს გადარჩენისა და სოფლის აღორძინებისათვის, ჩვენ დღეს სწორედ ეს გვჭირდება და ამ საქმეების დასტური იქნება ის, რომ ამგვარი ტიპის სასწავლებლების რაოდენობა აგრარულ რეგიონებში, კიდევ უფრო გაიზარდოს.

თუმცა, ჩვენი ქალაქი აგრარული მიმართულების არ არის და ვერც იქნება, აკადემიური ქალაქის რექტორმა მიიღო გადაწყვეტილება, რუსთავში არსებულ კოლეჯში გახსნას ახალი ფაკულტეტი, კერძოდ, დეკორატიული მცენარეთა გაშენება-მოვლისა და მრავალწლიან ან ერთწლიან ხე-ნარგავთა გაშენება-მოვლისათვის ახალგაზრდების დაოსტატებისათვის. ჩვენს ქალაქს, სადაც ასე ინტენსიურად შენდება რეკრეაციული ზონები, უამრავი სკვერით, დეკორატიული სიმეტრიებითა და პროპორციებით, ხეთა სიმრავლით, ალბათ უპრიანი იქნება, თუ ამ აგრარული დარგის სპეციალისტები კვალიფიციურ განათლებას აკადემიურ დონეზე მერსზე და წიგნიდან მიიღებენ, ხოლო შემდეგ შესაფერის სამსახურში დასაქმდებიან.

ლია მარტაშვილი



პრეზენტაცია

„ბაზაფხულის შემობრძანება“

უფალმა ქართველ კაცს მრავალმხრივი შემოქმედებითი ნიჭი მიჰმალა: ნიჭი სიმღერის, მსახიობის, პოეტის... მაგრამ ეს ყველაფერი ერთ კაცს რომ უბოძა, მართლაც დიდი საჩუქარია.

ასეთი ქუდბედით დაიბადა და მოევილინა ჩვენს ქვეყანას ამირან ამირანაშვილი. იყო ოპერის მომღერალი, ვისაც ხელოვნების ამ დარგში დიდ წარმატებებს უწინასწარმტყველებდნენ...

იყო კინოსა და თეატრის მსახიობი და აქაც წარმატებული. იყო და არის პოეტური მუზის გულთბილი მასპინძელი, სამშობლო ქვეყნის, ერის სიყვარულით სავსე ლექსების კრებულების („გზა ტაძრისაკენ“, „სამების მადლით მოვდივართ სამნი“, „ჯარისკაცის დღიური“, „ჩემი ნუთისოფელი“, „ღვთიური მგზავრი“) ავტორი.

დღეს ამირან ამირანაშვილი ღმერთის, ეკლესი-

ის მსახურია, თბილისის მაცხოვრის ამალღების ეკლესიის დეკანოზი, მრევლს ღმერთის, სიმათლის, სამშობლოს სიყვარულს უქადაგებს... მისი ლექსები, როგორც რელიგიურ, ისე საერო თემებზე შექმნილი, მკითხველთა შორის დიდი პოპულარობით სარგებლობს. ამის დასტურია ის, რომ ხშირად უწყობენ შეხვედრებს, იღებენ მისგან დალოცვას და სულიერ საზრდოს.

მსმენელმრავალი შეხვედრა მოუწყეს მოძღვარსა და პოეტს რუსთაველმა პოეზიის მოყვარულებმა. ილია ჭავჭავაძის სახელობის მთავარ ბიბლიოთეკაში მისი ლექსების ახალი კრებულის - „ბაზაფხულის შემობრძანება“ - პრეზენტაცია გაიმართა. წიგნის რედაქტორია პოეტი მანანა გორგიშვილი, რეკლამა: ლამზირა შევილაძე, ეთერ ჭელიძე.

მსმენელებს საპრეზენ-

ტაციო წიგნი წარუდგინა ლამზირა შევილაძემ. პოეტის შემოქმედებაზე, მხატვრულ ღირებულებაზე, ასევე ავტორზე გულთბილად ისაუბრეს განათლების სამინისტროს წარმომადგენელმა მარინა უგულავამ, მასპინძელმა მწერლებმა: მარინა ცხვედიაშვილმა, ლია ბეჟანიშვილმა, ეთერ ჭელიძემ. ლია მარტაშვილმა, თინათინ სიყმაშვილმა, ნანა ყალიჩავამ, ასევე სტუმრებმა: ნიკოლოზ გოდერძიშვილმა, ბელა ალანიამ, ლეილა გაფრინდაშვილმა, ლადო ოკუჯავამ.

საპრეზენტაციო წიგნის ავტორმა ამირან ამირანაშვილმა შეხვედრის მონაწილეებს გააცნო თავისი განვლილი ცხოვრების გზა, დალოცა, გამოთვლიანებულ, გაბრწყინებულ საქართველოში ცხოვრება, ერთმანეთის სიყვარული უსურვა და ახალი წიგნიდან ლექსები წაიკითხა.

რეპორაჟი ახალგაზრდობის პარკიდან

ძალღი მებობარია, მებრამ წესი და კანონი ყველამ უნდა დავიცვაო!



ამ საგაზეთო წერილის წამკითხველს თავიდანვე ვაფრთხილებ, ფალიაშვილის ქუჩის ძაღლები-მეთქი, რომ ვწერ, ვინმეს არ ეგონოს, თბილისში, გლდანის სანდრო ასმეტელის სახელობის თეატრის ამ სახელწოდების ცნობილი და საკმაოდ პოპულარული სპექტაკლი მაქვს მხედველობაში. არა! რუსთავის ფალიაშვილის ქუჩისა და მიმდებარე ახალგაზრდობის პარკში ძაღლებზე საუბარს ვაპირებ.

ძაღლები კი, ფალიაშვილის ქუჩის სახლების ეზოებსა და ქუჩებში, იმდენი დაძუნძულებენ, ძალიანაც რომ მოინდომოთ, იქნებ ვერც დათვალოთ... დათვლას შეეცდები და, თავის დამცავი საშუალებებით უნდა იყო შეიარაღებული. ეს თავის დამცავი საშუალებები, არ გეგონოთ, მარტო ოთხფეხებისაგან დასაცავად დაგჭირდებათ, უფრო მათი პატრონებისაგან...

წლის ნებისმიერ დროს, განსაკუთრებით დილის და საღამოს საათებში, როცა პარკს ბევრი დამსვენებელი ჰყავს, როგორც მცირეწლოვნები, ისე ახალგაზრდები და ასაკოვანნი, გადაუჭარბებლად შეიძლება ითქვას, თავისუფლად მოსვირნე ძაღლებს ფეხს ვერ აუქცევთ. თუ ამაში ვინმეს ეჭვი ეპარება, კეთილი ინებოს და თავისი თვალთ ნახოს ყველაფერი და უკმაყოფილო, გაღიზიანებული დამსვენებლების საუბარიც მოისმინოს.

დიახ, ხეივანში შეხვდებით უპატრონო ძაღლებსაც და პატრონიანებსაც. პატრონები ან წინ მიუძღვებიან თავიანთ ძაღლებს, ან გვერდით, ან უკან მიჰყვებიან... ეგრე, არც საბელი და არც ალიკაპი, და ეს მაშინ, როცა პარკში ძაღლებისათვის მონყობილია საგანგებო კუთხე, სადაც, გაგვიკვირდებათ და, სულ ორ, ან სამ ძაღლს თუ ნახავთ

თავიანთ პატრონებთან ერთად, რომლებიც ყველა შესაბამის წესს იცავენ.

ეს თვალთ ნახის და, ახლა დამსვენებლებისგან მოსმენილიც:

სურათი პირველი.

— ეს რა კარგი პარკი გაგვიკეთეს... სასიერო, ბილიკები... სკამები... სავარჯიშოები... ბავშვებისათვის გასართობი მოედანი... წყალი... სველი წერტილები... სიმწვანე და სუფთა ჰაერი... ახალი მარადმწვანე ხეებიც დარგეს... პალმები როგორ გაიზარდა, როგორ ამშ-

ვენებს აქაურობას... რამდენი ადამიანი სეირნობს, ისვენებს, ვარჯიშობს, ბავშვებიც...

— მართლა მადლობა გვეთქმის, მაგრამ... რა გინდა რა, ამდენ ძაღლს გვერდს ვერ აუვლი... ვილაცამ, ვისაც ეს ეკუთვნის, ხომ უნდა მიხედოს ამას. იმ პატრონებს, თავიანთ ხბოსავით ძაღლებს რომ დაჰყვებიან, ხომ უნდა შეახსენოს, რომ ძაღლებისათვის პარკში სპეციალური ადგილია გამოყოფილი და თუ მაინცადამაინც ბილიკზე უნდათ ასეირნონ ძაღლები, კეთილი ინებონ და

საბლით და ალიკაპით მაინც ატარონ...

— არადა, რამდენჯერ გავხდით მისი მონმე, ძაღლები როგორ გამოეკიდნენ ბავშვებს, მოხუცებსაც... მარტო გამოეკიდნენ? ისე შეაშინეს როო...

— ჰო, ეგრეა, მაგრამ აბა მიდი და გაუბედე რომელიმეს, ძაღლს ბილიკზე რატომ ატარებენ ეგრე თავისუფლად, მაგათთვის ხო ადგილია გამოყოფილი... აქეთ მოგაყენებენ შეურაცხყოფას.

სურათი მეორე.
ხანდაზმული ქალბატონი: — გოგონა, შვილო, მოკიდე ხელი

შენს ძაღლს, დაიჭირე, ხომ სედავ, მომდევს...

გოგონა: — ნუ გეშინია, არ იკბინება, ოთახის ძაღლია...

ხანდაზმული ქალბატონი: — ოთახისაა თუ ქუჩის, არ ვიცი მე... ამას წინათ იყო, მომეპარა და კაბა რომ ჩამომახია, მერე ფეხებზეც წამეტანა... მას აქეთ მეშინია. აი, ახლაც... გეხვენები, შვილო, შენ გახარებას, წაიყვანე, მომაშორე შენი ძაღლი...

— ბებო, მე გგონია, ამ ძაღლს უფრო ეშინია შენი...

სურათი მესამე:

— აგე, კიდევ... რამხელა ძაღლია, ხო გეგონება... წამოიქით, გავეცალოთ, თორემ თუ გვეცა, მტრისას...

— ჩვენ კი გავეცლებით, მაგრამ აი, ის ბავშვი გაცელება? ან ის მოხუცი, ხელჯობით ძლივს რომ გადაადგილება?

თინათინ სიყვარული

P.S. ქალაქის მერიამ თავის დროზე გაითვალისწინა მოსახლეობის თხოვნა და პარკში ძაღლებისათვის სპეციალურად შემოღობა საკმაოდ ვრცელი ტერიტორია, სადაც ძაღლებს და მათ პატრონებს შეიძლება დაგვარად შეუქმნა სეირნობისა და დასვენების პირობები.

სამწუხაროდ, როგორც ყველა საქმეში, აქაც დაუდევრობას და გულგრილობას აქვს ადგილი. მოქალაქეთა გარკვეული ნაწილი არ ითვალისწინებს უმრავლესობის სურვილს და პარკის მთელ ტერიტორიაზე ასეირნებს ძაღლებს, რომელთაც ზოგჯერ ალიკაპიც კი არ უკეთიათ...

განსხვადებები, რეკლამა, განსხვადებები

გაატარე ზაფხული ბრილად

ავტომანქანების კონდიციონერების შეკეთება და დატუმბვა

უოკლას დროუ და მისაღებ ფასად!

ტელ: 551 56 12 12 გაგა



ავიჯის და ნეზისმიერი ტვირთის გადაზიდვა

საქართველოს ნებისმიერი მიმართულებით.

ტელ: 599 62 33 03



ვიბიკა მუხრანის გელ ფასი

გაყვითი, რეაუი, ქურნალი, ნიბნი, ფორმის (ქსარქსის) ქალაღი

მისამართი: მესხიშვილის მე-2 გასასვლელის №4-თან (ავტოსადგომის ტერიტორია) 10-დან 19 სთ-მდე ტელ: 579 808-818



რუსთავი იყიდა კათილფორფილი 3 ოთახიანი ბინა

ბინა აიენის ხარჯზე 4 ოთახადაა გადაკეთებული. მისამართი: ფალიაშვილის ქუჩა №16, ბინა 46, მე-4 სართული. ფართი 71 კვმ.

ბინა კუთხის მხრიდან გადაყურებს ეკლესიას და შემოსილია ხეებით. სამზარეულო და აბაზანა განწყობილია კაფელ-მეტლაქში და სრულადაა აღჭურვილი სათანადო ახალი კარადებით და ტექნიკით (გაზქურა, მაცივარი). საძინებელი ოთახები და ზალა დაკომპლექტებულია თანამედროვე ავეჯით. დამონტაჟებულია ცენტრალური გათბობა და გაგრილების სისტემა. ფანჯრები შეცვლილია მეტალოპლასტმასით, შესასვლელი კარი ლითონისაა. კედლებზე ტელევიზორი. ყველა ოთახშია დამონტაჟებული ლუსტრა.

ფასი: 70 ათასი დოლარი. ტელ: 598-99-19-55



რუსთავის მერია
WWW.RUSTAVI.GOV.GE

“ათასობით რუსთაველის
კრობღემა გაღაწყვეტილია.
რუსთაველები თბილისის
მიმართულებით კომფორტული
მუნიციპალური ტრანსპორტით
იმგზავრებიან.

ღიღი მაღლობა საქართველოს
კრემიერ მინისტრს და
მთავრობას, კარდამენგარ
ადექსანდრე დადაქიშვილს,
ჩვენს მაჟორიტარს ირაკლი
შაბაკიშვილს, საკრებულოს
ფრაქცია „ქართულ იცნებას“ -
ეს სიკეთე რუსთავს, გუნდმა
ერთად მოვუგანეთ.

- ნინო დაცაბიძე



რუსთავის მერია
WWW.RUSTAVI.GOV.GE

შპს „გაზეტი რუსთავი“



დირექტორი
ლარი ბარათელი
რედაქტორი
თაურ კობახიძე

გაზეთი
დამოუკიდებელია
და ხელმძღვანელოს
თავისუფალი პრესის
პრინციპებით

599 233-390, 599 908-918

e-mail: gazetirustavi@gmail.com

მისამართი:
რუსთავი, მებოგროვის 32,
სასტუმრო „რუსთავი“,
მე-2 სართული

